

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficiarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

189. An, & qualiter præstatio juramenti facienda ab Examinatoribus juxta
Trid. sit de forma concursûs.

[urn:nbn:de:hbz:466:1-74477](#)

jus quæstum. sed neque præsentatio talis annullatur per constitutum. Pii V. utpote quæ non loquitur de patribus præsentantibus, sed de provisione facta ab Episcopis alibique inferioribus, ac proinde Rota talem præsentatum instituit servatis servandis per Clem. Auditor. de re script. ut ait Garc. n. 95. ex sententia DD. in c. i confirmationes. de elect. in 6. Neq; obstat, quod talis præsentatus institutus ab Ordinario sine examine facto ab Examinatoribus synodalibus se ingesserit in administrationem ante validam institutionem, & si inciderit in poenas. c. avaricie, de elect. in 6. quia cum esset in possessione vigore institutionis Ordinarii, cessat poena cit. cap. tum ratione bona fide, tum quia in materia penali qualibet causa colorata excusat. Decius consil. 452. n. 12. & Gloss. in c. fin. de elect. in 6.

2. Respondeo nunc ad secundum: quamvis si ex 6. Examinatoribus aliqui intra annum mortui aut alias absentes sint, totam facultatem examinandi unâ cum Episcopo & Vicario (Garcias habet: vel Vicario) spectabit ad superstites eo anno durante, etiam si tantum unus superest. Corrad. loc. cit. n. 34. Garc. loc. cit. n. 69. qui etiam ait id conforme Concilio. Elapsus tamen isto anno, cum, qui super sunt infra numerum scenario juxta dicta quæst. preced. non sint amplius synodales Examinatores, fieri legitimè examen non poterit, nisi in nova synodo, seu Examinatores novi deputentur, five ii omnes sint novi, five partim sint ex iis, qui jam olim fuerunt Examinatores. Sequitur ex dictis respons. preced. Estque contra Lott. cit. q. 31. n. 84. ubi ait: si adhuc supersunt tres ex deputatis in priore synodo examinatoribus, etiam anno elapsu à priore synodo, cum his habendo examen videri satisfactum formâ præscriptâ à Concil. Tridentino.

Quæstio 188. Quid in dictis casib; possit capitulum sede Episcopali vacante?

1. Respondeo posse capitulum seu ejusdem Vicarium sede Episcopali vacante, dum post annum elapsum ab ultima synodo habitâ adhuc remanent 6. Examinatores in ultima synodo deputati, legitimè habere concursum cum illorum tribus. Neque etiam teneri post dictum annum elapsum habere synodus (uti ad id vi Tridentini tenetur Episcopus) si hanc habere non potest, nisi pro casu necessitatibus, cui aliter prævideri nequit, ut vult Lott. cit. quæst. 31. & 83. siquidem non est necessitas talis habendi synodus in ordine ad deputandos Examinatores pro habendo concursu, si hunc, existentibus eorum adhuc sex, cum eorum tribus habere potest.

2. Respondeo secundo: si vero elapsu anno isto non amplius extant dictorum Examinatorum sex, legitimè habere concursum nequit, nisi prius in synodo ad hoc congregata, 6. constituerit Examinatores, quia in hoc casu, cum ex una parte non extant amplius Examinatores synodales (ii enim qui forte adhuc supersunt, non sunt iam amplius hoc ipso Examinatores synodales juxta dicta paulo ante ad questionem) ex altera parte capitulum potestatem habeat celebrandi synodus (ut absolute docet Garc. loc. cit. n. 64. & docere videntur plerique, qui tenent synodus dioecesanam cogere, esse de Lege jurisdictionis Pavin. de off. & potestate Capituli sede vacante p. 1. q. 7. n. 3. Henr. Bottæ. de synodo Episcopali p. 1. q. 4. n. 40. apud Lott. n. 77. aut certè si non ad effectum decernendi statuen-

dique generaliter & universaliter super statu diœcesis, saltem pro casu necessitatis alicujus præcisæ occurrentis, & in specie deputandorum hic & nunc necessariò Examinatorum synodalium, ut Lott. loc. cit. à n. 80.) imputabitur jam ipsi Capitulo, ageturque ab eo formaliter contra formam à Trid. præscriptam, adeoq; nulliter, si non illico curaverit convocati synodum, vel ex hac præcisæ causa deputandi novos Examinatores, ut Lott. n. 84. (a quo tamen ita hoc postremo dissentit Garc. juxta relata ex eo supra, quod censeat necesse deligi legitimos Examinatores in synodo formalis & vera, quam ait non esse illam ex dicta solùm causa congregatam) & in ea Examinatores delegerit. Est quoque in tantum responsio nostra contra Lorentium, in quantum is loc. cit. tenet, si ex antiquis Examinatoribus etiam post elapsum annum à celebrata ultimâ synodo superfluerint adhuc tres, posse cum iis solis legitime adhuc haberi examen concursus.

Quæstio 189. An, & qualiter præstatio jūramenti, quæ Examinatoribus injungitur vi verborum Tridentini cit. c. 18. iurentq; omnes ad sancta Dei Evangelia, se quacunq; affectione postpositâ fideliter manus suum executuros, &c. cum attachu Evangeliorum, sit de forma, ita ut si omitatur, examen & concursus per eos habitus sit omnino nullus?

1. Respondeo ad primum affirmativè. Card. de Luc. de paro. b. d. 3. n. 4. Garc. p. 9. c. 2. n. 354. Lott. l. 2. q. 31. n. 92. Corrad. l. 3. c. 4. n. 26. conformiter ad plures S. Congreg. declarations.

2. Respondeo secundo: hoc juramentum præstari folere publicè in synodo, dum mox, ut electi & denuntiati Examinatores præsentes, singuli à Magistro ceremoniarum vocati & deduci in manibus Episcopi illud emittunt. Corrad. loc. cit. apud quem, uti & apud Garc. loc. cit. n. 357. vide hujus juramenti formulam. Lott. num. 95. dicto loco & tempore præstandum illud probat ex eo, quod Concilium immediate post requisitas in Examinatoribus qualitates illud adjicat, adeoque sicut illæ sunt executienda in ipso deputationis actu, ita eodem tempore præstandum juramentum, virtute copulae, sub qua est continuata oratio. Garc. verò n. 356. censet id expedire quidem, non tamen esse necessarium. idem tenet Corrad. loc. cit. nimis tempus, quo præstari debeat, non esse de forma, sufficeret ut præstetur, antequam fiat concursus, etiam extra synodum, & in manibus Notariorum, per cuius attestacionem illud probari sufficit, cum consilium solum dicat: Examinatores jurent.

3. Respondeo tertio præstandum juramentum illud tactis Evangelii, ita ut hoc non facto, non servetur forma Concilii. Garc. num. 358.

4. Respondeo quarto sufficere juramentum illud semel & generaliter de fideliter exercendo munere Examinatoris esse præstitum, & opus non esse, ut præstetur in quolibet concursu. Card. Luc. ad Trid. d. 32. n. 8. Lott. n. 94. Garc. n. 359.

Quæstio